

Īsā^(a.s) Ke Baare Me Allaah Taa'alā Kā Paigāam

Taurait : Yashaayaah 42:1-9

“Dekho mere kḥaadim ko, jiskī main hifaazat kartā huñ.
Isko maine chunā hai aur ye mujhe bahut kḥushī detā hai.
Maiñ usko apnā nur duḅgā aur wo har qaum me insaaf qaayam karegā.”⁽¹⁾

“Wo nā hī duhaaī degā aur nā hī cheekḥe chillaaegā.
Wo logoñ se bahut narmī se pesh āegā.”⁽²⁾
Wo un logoñ ko bhī naheen maaregā ki jinke īmaan murdā ho chuke haiñ.
Aur wo kacche īmaan waale logoñ kā bhī saath naheen chḥodegā.
Wo hameshā sacchaaī aur insaaf se faislā karegā.”⁽³⁾

“Jab tak wo purī duniyā me aman aur insaaf qaayam naheen kar legā,
tab tak wo nā hī haar maanegā aur nā hī apnī himmat khoegā.
Yahaan tak ki dur mulkon ke log bhī uskī baaton par yaqeen kareḅge.”⁽⁴⁾

“Ye saarī baateñ wo haiñ jo Allaah rabbul ālameen ne kaheen haiñ,
uske siwaay koī naheen jisne āsmaan aur zameen ko banaayā hai.
Usne zameen aur usmeñ ugne waalī cheezoñ ko paidā kiyā hai.
Usī ne zameen par har inḥsaan me jaan phuñkī hai.
Wo hī zameen par chalne waalī har cheez me jaan phuñktā hai.”⁽⁵⁾

Allaah taa'alā ne ye bhī kahā hai, “Maine tumko paak-o-paakeezā bhejā hai.
Maiñ tumhaarī dekhbhaal karuḅgā.
Maiñ tumhaarī hifaazat karuḅgā.
Tum mere us ahad kī nishaanī hoge jo maine logoñ se kiyā hai.
Maiñ tumko saarī qaumoñ ke liye ek roshnī banaauḅgā.”⁽⁶⁾

“Tum un logoñ kī āñkheñ khologe jo aḅdhe ho chuke haiñ.
Tum un logoñ ko āzaad karoge jo ḡulaamī kī jañjeeroñ me jakḍe hue haiñ.
Tum un logoñ ko raastā dikhaaoge jo log apne aḅdar kī aḅdherī jeloñ me qaid haiñ.”⁽⁷⁾

“Maiñ Allaah huñ, yahī merā naam hai.
Maiñ apnī shaan-o-shaukat kisī aur ko naheen duḅgā aur
nā hī maiñ apnī taareef in butoñ se baatḅuḅgā.”⁽⁸⁾

“Dekho! Maine pahale jo bhī kahā thā, waisā hī huā!
Aur ab maiñ tumko wo bataatā huñ,
jo abhī tak naheen huā hai.
Maiñ tumko ye sab hone se pahale batā denā chaahatā huñ.”⁽⁹⁾